



CONVENIO DE COLABORACIÓN ENTRE A CONSELLERÍA DE POLÍTICA SOCIAL E A ASOCIACIÓN NATURAL ARDAI TERAPIA OCIO E FORMACIÓN, PARA A EXECUCIÓN DA MEDIDA XUDICIAL DE PRESTACIÓNS EN BENEFICIO DA COMUNIDADE E DAS REPARACIÓNS INDIRECTAS EN VIRTUDE DA LEI ORGÁNICA 5/2000, DO 12 DE XANEIRO, REGULADORA DA RESPONSABILIDADE PENAL DOS MENORES.

En Santiago de Compostela, a 29 de outubro de 2018

REUNIDOS

Dunha parte Fabiola García Martínez, Conselleira de Política Social, nomeada polo Decreto 98/2018, do 26 de setembro, actuando en nome e representación da Xunta de Galicia, no uso das facultades que lle veñen atribuídas no artigo 34 da Lei 1/1983, de 22 de febreiro, de normas reguladoras da Xunta e da súa presidencia, no Decreto 88/2018, do 26 de setembro, polo que se establece a estrutura orgánica da Xunta de Galicia, e segundo o Decreto 176/2015, do 3 de decembro, polo que se establece a estrutura orgánica da Consellería de Política Social

Doutra parte, Patricia Izcalli Rodríguez Fernández con DNI nº44463736K, no nome e representación da ASOCIACIÓN NATURAL ARDAI TERAPIA OCIO E FORMACIÓN con domicilio en Lugar a Telleira nº 1-32152 Coles (Ourense), en virtude da súa condición de presidenta, ao que lle corresponde ostentar a representación da asociación, de acordo co establecido nos seus estatutos.

Ambas partes, con capacidade xurídica bastante e os representantes con poderes suficientes e axeitados en dereito para obrigar as súas representadas,

EXPOÑEN

Primeiro. Que a Consellería de Política Social, través da Dirección Xeral de Familia, Infancia e Dinamización Demográfica, ten asumidas entre as súas

12/11/18 Fd
Ardaí
Educación y Terapia
G32456097
www.ardaiterapia.org





competencias, de acordo co establecido no artigo 13 do Decreto 176/2015, do 3 de decembro, polo que se establece a estrutura orgánica da Consellería de Política Social, a execución das medidas ditadas polos xulgados de menores nos termos establecidos na Lei orgánica 5/2000, do 12 de xaneiro, reguladora da responsabilidade penal dos menores(LORPM).

Segundo.

Que o artigo 45.3 da LORPM recolle a posibilidade de establecer convenios de colaboración con outras entidades públicas ou privadas sen ánimo de lucro para a execución das medidas xudiciais da súa competencia, baixo a súa directa supervisión, sen que iso supoña en ningún caso a cesión da titularidade da responsabilidade derivada da súa execución.

Terceiro.

Que a Asociación Ardaí Educación e Terapia que figura inscrita no Rexistro Nacional de Entidades Prestadoras de Servizos Sociais da Consellería de Política Social co número E-6209 , ten entre outros, os seguintes fins:

Fins educativos: Educar para o coñecemento, benestar e coidado dos animais en xeral e dos animais domésticos para compañía, terapia e ocio en particular. Achegar a todos os cidadáns, con especial fincapé en colectivos de especial vulnerabilidade: infancia e xuventude, muller, maiores con ou sen discapacidade e/ou en situación ou risco de exclusión, distintas opcións educativas e psicoeducativas en medio naturais, promover accións de interacción segura e positiva con animais no medio natural, así como de educación ambiental e coñecemento do medio.

Fins pedagóxicos e opcións de lecer saudable para nenos e mozos: Fomentar, organizar e desenvolver actividades que proporcionen alternativas de ocio saudable con animais no medio natural, dirixida á poboación en xeral e especificamente a colectivos de especial vulnerabilidade, vítimas de violencia de xénero ou trata e explotación sexual e a persoas e grupos de persoas en situación e risco de exclusión social, fundamentalmente nenos e mozos como forma de prevención e intervención en drogodependencias, violencia intrafamiliar e outros que se consideren.

Fins de integración social: Deseñar, desenvolver e implementar programas e accións educativas e psicoeducativas, formativas, psicoterapéuticas, de integración social e pedagóxicas especificamente deseñadas para colectivos de persoas con discapacidade e/ou en risco ou situación de exclusión social, con

Recall: J. Fdz

Ardai

Educación y Terapia

G32456097

www.ardaiterapia.org





especial atención a colectivos de especial vulnerabilidade: maiores, mulleres e nenos/as vítimas de violencia doméstica e/ou trata ou explotación sexual.

Cuarto

Que para as partes é un obxectivo prioritario a consecución do benestar das persoas menores e consideran imprescindible a colaboración entre diferentes institucións públicas e privadas para lograr un servizo máis eficaz na atención das persoas menores con problemas de inadaptación social sobre as que recaia unha medida xudicial de prestacións en beneficio da comunidade en virtude do artigo 7.1. k) da Lei orgánica 5/2000, ou a realización de actividades exercitadas en reparación do dano en virtude do artigo 19 da dita lei.

Polo que, ambas partes deciden establecer un convenio de colaboración en base ás seguintes:

CLÁUSULAS

Primeira.-Obxecto

O presente convenio de colaboración ten por obxecto establecer o marco de colaboración entre a Consellería de Política Social da Xunta de Galicia e Asociación ARDAI EDUCACIÓN E TERAPIA, para a execución da medida xudicial de prestacións en beneficio da comunidade imposta polos/as xuíces de menores, en virtude do artigo 7.1.k) da LORPM, así como das actividades en beneficio da comunidade exercitadas na reparación do dano acordadas en virtude do artigo 19 da LORPM na provincia de Ourense.

As tarefas e actividades a realizar son as seguintes:

a).-Coidado, limpeza e mantemento das instalacións de Ardaí e dos espazos cedidos para o silbo pastoreo dos animais para o que se prestará ferramenta, maquinaria e asistencia técnica:

- Roza de fincas, lindes e camiño
- Limpeza dos espazos dos animais
- Tarefas xerais de mantemento das instalacións





b).-Alimentación e coidados dos animais:

- Alimentación dos cabalos, cans, gatos, pequenos animais e animais de granxa.
- Cepillados, paseos e coidados xerais de saúde e hixiene dos animais (baños, desparasitacións...)
- Participación nos adestramentos dos animais (cabalos, cans, pequenos animais...) en calidade de asistentes.
 - Agility canino e equino
 - Paseos de obediencia dos cans
 - Adestramento para terapia dos animais

c).-Colaboración nas tarefas veciñais de mantemento dos eidos e agricultura como fórmula de intercambio empregada por Ardai no seu desempeño diario:

- Participación en tarefas estacionais requiridas polos veciños (recollida de patacas, semente das hortas, axudas puntuais).

d).-Formación en voluntariado e cooperación.

e).-Acompañamento e/ou apoio a persoas con discapacidade no contexto de sesións de terapia asistida con animais, educación asistida con animais e intervencións psicosociais asistidas con animais.

En todo caso as actividades a realizar polas persoas menores, que consistiran no apoio ao traballo realizado polo persoal asignado a cada área ou servizo na asociación, deberán reunir as seguintes condicións:

- Terán un interese social ou se realizarán en beneficio de persoas en situación de precariedade.

Recollido: 7 Fdt

Ardai
Educación y Terapia
G32456097
www.ardaiterapia.org





- Estarán relacionadas, preferentemente, coa natureza do ben xurídico lesionado polos feitos cometidos pola persoa menor.
- Non poderán atentar contra a dignidade da persoa menor.
- Non serán retribuídas.
- Non suporán a consecución de intereses económicos

Segunda.-Destinatarios

Os destinatarios son as persoas menores de ambos sexos aos que os Xulgados de Menores impoñan unha medida de prestacións en beneficio da comunidade así como aqueles que leven a cabo actividades de reparación do dano acordadas en virtude do artigo 19 da LORPM, que residan no área de Ourense.

Terceira.-Réxime xurídico

A execución da medida xudicial de prestacións en beneficio da comunidade imposta polos/as xuíces de menores e a realización das mesmas acordada en reparación do dano, así como a correcta atención das persoas responsables suxeitas ao cumprimento desta medida, deberán axustarse ao previsto no presente convenio de colaboración, a Lei Orgánica 5/2000, de 12 de xaneiro, reguladora da responsabilidade penal dos menores, e ao Real Decreto 1774/2004, de 30 de xullo, polo que se aproba o Regulamento da LORPM, así como calquera outra norma estatal ou autonómica que sexa de aplicación.

Cuarta.-Obrigas das partes.

1.-A Consellería de Política Social, de acordo coas resolucións adoptadas polo xulgado de menores, asumirá as seguintes obrigas:

- a)** Comunicar á asociación ARDAI EDUCACIÓN E TERAPIA o/os menor/es que se incorporará/n ao recurso, de xeito que procederá do xeito seguinte:

Recibida na Dirección Xeral de Familia, Infancia e Dinamización Demográfica da Consellería de Política Social a resolución na que se impón a medida de prestacións en beneficio da comunidade dará cumprimento da mesma a través das xefaturas territoriais, que designarán un/ unha técnico responsable, que elaborará, en colaboración coa persoa designada pola asociación, o programa individualizado de execución de medida, conforme ao establecido polo Real Decreto 1774/2004, de 30 de xullo, polo que se aproba o Regulamento da lei orgánica 5/2000.

1204
11:02
I
Ardaí
Educación y Terapia
G32456037
www.ardaiterapia.org





Recall: 2 fdr

Ardaí
Educación y Terapia
G32456097
www.ardaiterapia.org

O Programa conterá as actividades a realizar, o seu cometido, o lugar de realización, a persoa responsable da actividade, o número de horas de cada xornada (que non poderá exceder de 4 horas diarias se o/a menor non acada os 16 anos, nin de 8 horas se é maior de idade), o horario (que non interferirá nas súas actividades escolares ou laborais) e o consentimento expreso da persoa menor a realizar ditas actividades, dándose inicio á medida unha vez aprobado polo/a xuíz/a o citado programa.

No caso de reparación entre o/a menor e a vítima ou prexudicado en virtude do artigo 19 da L.O. 5/2000, mediante a realización de accións en beneficio da comunidade, unha vez recibida na Xefatura Territorial da Consellería de Política Social a proposta do equipo técnico para a colaboración na realización de accións en beneficio da comunidade, se dará cumprimento á mesma, designando un/unha técnico/a responsable, que elaborará en colaboración coa persoa designada por ARDAI, o programa educativo individualizado de reparación do dano. Este programa conterá o servizo e actividades a realizar do ofertado pola entidade, así como a periodicidade con que se van a realizar as horas acordadas.

b) Levar a cabo a dirección, supervisión e seguimento da execución da medida xudicial así como a remisión dos informes e comunicacións oportunas, exercendo como interlocutora única coa Administración de Xustiza.

Así mesmo, e co obxecto de que prevaleza o interese da persoa menor sobre calquera outro interese, a Consellería de Política Social poderá colaborar na realización das reparacións do dano consistentes en actividades en beneficio da comunidade propostas polos equipos técnicos das fiscalías e dos xulgados de menores.

2.-A asociación se compromete ás seguintes obrigas:

a) Colaborar coa consellería de Política Social na execución da medida xudicial de prestacións en beneficio da comunidade así como na realización de prestacións que se leven a cabo en reparación do dano, ofrecendo as instalacións, os servizos e o material necesario para a realización das actividades e tarefas indicadas na cláusula primeira.





b) Asegurar que a inclusión da persoa menor nas actividades a realizar se faga, en todo caso, baixo a supervisión dun adulto responsable e coas axeitadas condicións de seguridade e hixiene, non podendo someter ao/á menor a tarefas que impliquen risco para a súa saúde e integridade física.

c) Facilitar unha persoa de contacto para a coordinación coa Xefatura Territorial e os profesionais encargados da execución da medida.

d) Subministrar á Administración toda a información necesaria para o cumprimento das obrigas previstas no Título I da Lei 1/2006, do 18 de xaneiro, de transparencia e bo goberno, coas consecuencias no caso de incumprimento indicadas no artigo 4 da devandita lei.

Quinta. Protección en materia de Seguridade Social, accidentes e prevención de riscos laborais

Durante a prestación da actividade a persoa menor que ten a idade legalmente requirida, gozará da mesma protección prevista en materia de Seguridade Social para os sometidos a pena de traballo en beneficio da comunidade pola lexislación penitenciaria e estará protexido pola normativa laboral en materia de prevención de riscos laborais. Ao menor que non teña dita idade garantiráselle unha cobertura suficiente polos accidentes que puidera padecer durante o desempeño da prestación e unha protección que en ningún caso, será inferior á regulada pola normativa laboral en materia de prevención de riscos.

A consellería de Política Social asumirá os custes correspondentes á protección prevista na Seguridade Social para os maiores de 16 anos, a tenor do disposto no artigo 20.4 do Real Decreto 1774/2004, do 30 de xullo, polo que se aproba o Regulamento da LORPM.

Así mesmo, asumirá mediante unha póliza de accidentes, e de responsabilidade civil que cubre as prestacións que efectuasen os/as menores, calquera responsabilidade derivada dos actos do/as menores que presten os seus servizos sociais nas instalacións en virtude do presente convenio, e que puideran prexudicar a terceiros ou aos seus bens.

Sexta.-Condicións económicas.

A execución do presente convenio non conleva contraprestación económica entre ámbalas dúas partes.

Recall: 7 Ed
Arde
Educación y Terapia
G32456097
www.ardeiterapia.org





XUNTA DE GALICIA
CONSELLERÍA DE POLÍTICA
SOCIAL

Edificio Administrativo San Caetano
15781 Santiago de Compostela
Teléfono: 981 54 54 00

galicia

Sétima.-Confidencialidade

Os datos persoais recadados neste procedemento serán tratados na súa condición de responsable pola Xunta de Galicia -Consellería de Política Social- nas finalidades de levar a cabo a tramitación administrativa que se derive da xestión deste procedemento e a actualización da información e contidos da Capeta cidadá.

O tratamento dos datos baséase no cumprimento dunha misión de interese público ou no exercicio de poderes públicos, conforme a normativa recollida na ficha do procedemento incluída na Guía de Procedementos e Servizos e nas referencias recollidas en <https://www.xunta.gal/informacion-xeral-proteccion-datos>. Con todo, determinados tratamentos poderán fundamentarse no consentimento das persoas interesadas.

Os datos serán comunicados ás Administracións públicas no exercicio das súas competencias, cando sexa necesario para a execución do dito convenio ou para que os cidadáns poidan acceder de forma integral á información relativa a unha materia.

A asociación NATURAL ARDAI TERAPIA OCIO E FORMACIÓN, tratará os datos coas finalidades e os usos exclusivamente precisos para a execución deste convenio, polo que non poderán ser usados para un fin distinto. Os datos persoais aos que teña acceso non serán comunicados a terceiros, nin sequera para a súa conservación.

A fin de darlle a publicidade esixida ao procedemento, os datos identificativos das persoas interesadas serán publicados conforme ao descrito na presente norma reguladora a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

As persoas interesadas poderán acceder, rectificar e suprimir os seus datos, así como exercitar outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento



Ardaí
Educación y Terapia
33335687
www.ardai-terapia.org

12011:7 tot



administrativo común, segundo se explicita na información adicional recollida en <https://www.xunta.gal/informacion-xeral-proteccion-datos>.

Oitava.-Seguimento

Para o seguimento deste convenio de colaboración se creará unha Comisión Mixta de Seguimento que terá como funcións velar polo cumprimento do que nel se establece, tratar de resolver as cuestións que xurdan durante a súa execución, así como avaliar o seu funcionamento e eficacia.

Esta comisión estará integrada por:

- Un representante da dirección xeral de Familia , Infancia e Dinamización Demográfica
- Un representante da asociación ARDAI EDUCACIÓN E TERAPIA.

Actuará como secretario con voz pero sen voto, un funcionario/ a da Dirección Xeral de Familia, Infancia e Dinamización Demográfica.

A propia comisión acordará o seu calendario de sesións.

A dita comisión réxese polo establecido neste convenio e polas previsións que para os órganos colexiados se conteñen na Lei 40/2015 do 1 de outubro, de réxime xurídico do sector público e na Lei 16/2010, de 17 de decembro, de organización e funcionamento da administración xeral e do sector público autonómico de Galicia

Novena.-Vixencia

O presente convenio de colaboración terá unha duración dende a data da súa sinatura ata o 31 de decembro de 2021.

En calquera momento antes da finalización do prazo previsto, os asinantes do convenio poderán acordar unanimemente a súa prórroga por un período de ata catro anos adicionais ou a súa extinción.

Décima.-Modificacións

Cando xurdan circunstancias concretas, debidamente xustificadas, que alteren as condicións establecidas no convenio de colaboración, poderá formalizarse



Ardaí
Educación y Terapia
G32456097
www.ardaterapia.org



unha modificación ao convenio de colaboración que requirirá acordo unánime das partes, logo dos trámites legais esixidos. Dito acordo que inclúa tal modificación, deberá incluírse como addenda ao convenio.

Décimo primeira. Natureza xurídica e cuestións litixiosas

O presente convenio de colaboración terá carácter administrativo, e réxese polas cláusulas establecidas nel e, no seu defecto, polo disposto nos artigos 47 a 53 da Lei 40/2015, do 1 de outubro, de réxime xurídico do sector público e o establecido na Lei 9/2017, de 8 de novembro, de contratos do sector público, para resolver as lagoas e dúbidas que puideren presentarse.

As cuestións litixiosas que xurdan da súa interpretación, modificación, resolución e efectos serán resoltas pola Consellería de Política Social, poñendo os seus acordos fin á vía administrativa, e contra eles poderá interpoñerse potestativamente recurso de reposición no prazo dun mes ao abeiro dos artigos 123 e 124 da lei 39/2015, do 1 de outubro, do procedemento administrativo común das administracións públicas ou directamente no prazo de dous meses, ante a sala do contencioso-administrativo do Tribunal Superior de Xustiza de Galicia, segundo o disposto na Lei 29/1998, de 13 de xuño, reguladora desta xurisdición

Décimo segunda. Resolución deste convenio.

Serán causas de resolución deste convenio:

- a) O mutuo consentimento.
- b) A súa denuncia por unha das partes, formulada con tres meses de antelación á data na que deba sortir efecto.
- c) A celebración dun novo convenio entre as partes que o substitúa.
- d) O incumprimento de calquera das cláusulas do presente convenio.
- e) Calquera outra causa prevista na lexislación vixente.

A parte incumpridora non terá que indemnizar economicamente á outra parte polo incumprimento das obrigas do convenio e pola súa resolución, sen prexuízo da súa responsabilidade fronte a terceiros.

Educación y Terapias
G32456097
www.ardaiterapia.org





Décimo terceira. Publicidade

Este convenio será obxecto de publicidade de acordo co previsto na Lei 1/2016, do 18 de xaneiro, de transparencia e bo goberno. Así mesmo, incluírase no Rexistro Público de Convenios, de conformidade co Decreto 126/2006, de 20 de xullo, polo que se regula o Rexistro de Convenios da Xunta de Galicia.

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas no mesmo, poidan ser publicados no Portal de Transparencia e Goberno Aberto.

En proba de conformidade con canto antecede, ambas partes asinan o presente convenio de colaboración, por duplicado, no lugar e data expresados.

A CONSELLEIRA DE POLÍTICA
SOCIAL

A PRESIDENTA DA ASOCIACIÓN
ARDAI EDUCACIÓN E TERAPIA

Fabiola García Martínez

Patricia Izcalli Rodríguez Fernández